

太谷縣志

卷首

序文

纂修
職名

凡例

總目

卷一

圖考

星野

疆域

沿革

咸豐乙卯重修

太谷縣志

本衙藏板

重修太谷縣志序

志為史之一體與史相表裏者也文尚簡潔而事貴詳明其間制度典章釐然畢具然非義例嚴正取法昔賢奚以信今而傳後我我

太谷縣志

卷首序

朝雍正間纂一統志因輯各省通

志徵及郡邑故方隅一邑皆有志乘志各有義類秉筆既非一手作述不必盡同而其比事屬辭維繫於國計民生者則一也谷邑自前明萬歷始有志

鼎興以來順治乙未翻刻舊本雍正
己酉重加刪定以舊本多缺略
謂創始者難為工也雖然創固
難而因亦不易乾隆間纂修者
凡三竅後修於乙卯迄今甲子
一周矣咸豐甲寅秋余甫蒞茲
土觀夫商賈輻輳之區而民俗
勤儉士敦古處農服先疇不失
唐魏遺風洵乎

聖教之入人深也間與二三賢達論

行政先務則稱邑向以殷阜著
自上年寇陷平陽近地戒嚴如

查保甲則無知戶丁之衆寡繕
堡寨則並審疆圉之險夷其間
今昔或殊有稽諸前志而不合
者况潛德幽光人文科第六十
年來莫為之續則湮沒滋多因
以修志之事請於余余謂徵文

攷獻誠盛舉也然志以傳信不
可以私間公不可以名掩實不
可以好惡為取舍不可以假借
亂是非於是公舉老成博洽守
正不阿者數人主局事而採訪
則因各鄉之善士分而任之越

明年乙卯二月開局衆議以三
長著作必推史官爰寓書京師
敦請會稽 章梓梁侍御來綜
其成余族弟也夫苟搜遠紹竭
一人之耳目何如竭衆人之耳
目至竭衆人之耳目而猶虞疎

略亦惟盡心焉以為之而已矣
諮訪無遺復加考覈考覈既確
猶必詳審精密以著於篇吾故
曰創者難而因亦不易也余愧
不文而平心核實斟酌損益權
度可否退食之餘輒一一商訂

之矢慎矢公不敢左右袒冀克
符乎信今傳後之意藁既成凡
為卷八目三十卷末輯志餘一
門以附焉將付剞劂邑之人問
序於余余謂是編之維繫於國
計民生者按其規模因勢利導

太谷縣志

卷首序

五

於求治不無小補至於興革同
異與時變遷踵而脩之益臻明
備則所望於後之官斯土者
咸豐五年歲次乙卯九月

欽加同知銜知太谷縣事會稽章青

選撰

雍正七年修太谷縣志舊序

封建遠而史湮史湮然後志作今之志古之史也
州縣合之郡郡合之藩詳定考實合之宗伯是志
雖始於郡縣而籍則掌於

天府凡疆域道里山川物產里數戶口兵刑錢穀有
關於民生日用會計幽明禮樂之數足爲政治之
權衡者皆具其中一有取舍斂散則按圖而考以
及古今人傑載垂不朽激濁揚清可以曠世而相
感蓋煌煌鉅典也自浮夸始於左氏後之作者無

太谷縣志

卷首 舊序

一

論寡陋弇鄙使天地之英華山川之輝媚名物象
數之森羅政教名碩之芳蹟閉塞湮鬱而不宣卽
有博學廣淵苦心掇拾之彥逞芬華於繡頰鋪葩
麗於鋒穎揚徽失實得半誇全使百世而下憑弔
往古無足徵信幾欲取傳書而置之嗚呼邦國有
志用以傳信斯安在其傳信也歲己酉余膺

簡命來涖茲土甫及半載恭遇

皇上命儒臣纂一統志大中丞石公藩憲蔣公纂山西通
志徵各屬郡邑志以備採擇爰有重修縣志之役

予乃敦請鄉縉紳先生進士武君一韓等共襄厥
事披覽舊章詳加考証夫惟山川形勝固千秋不
改無容增損矣他如民情習尚之變遷宮室坊里
之興廢雖事屬瑣屑實廢名存亦必詢採綜輯纖
悉不遺若人物爲風俗之本綱常關名教之大在
昔賢人君子有懿行昭垂芳名布冊按其境則事
無可蹟籍無可考者仍依原本鐫錄蓋善善欲長
之意也更有今爲荆榛邱阜蒙密蔽翳蟲虺狸鼠
之所棲而昔賢曾憩芟而過歷之者不妨旁搜廣

太谷縣志

卷首 舊序

二

証以顯其踪蓋記德不厭詳足以新後世之耳目
使人震於其名而慕之也至數十年來忠孝節義
不乏著見矢公矢慎闡幽表微雖烜赫不爲假借
雖側陋亦與顯揚藉使評衡有爽不惟爲輿論所
譏而賢人君子義士節女之英魂烈魄蓋有伏怨
於冥冥者敢以一語之誕謬爲千秋榮辱之倒置
哉爰分門別類編次成帙凡爲卷八爲目三十錄
呈上憲用副鉅典復命剗剗俾後之涖茲土者開
卷瞭然按其規模乘權而布之釐定因革流以惠

愷謂非勸勸治理之一助乎是爲敘

雍正七年歲在屠維作噩律中無射之上浣文林
郎知太谷縣事辛卯科舉人三韓王廷贊又襄氏
撰

太谷縣志

卷首 舊序

雍正七年修太谷縣志舊序

志以識郡邑之事郡邑之文獻也合禹貢職方周官而爲書經之緯之如輪之貫輻而紀之屬綱舉上下數千百年之蹟釐然備具於尺幅之中故作者不輕而行者可遠谷邑舊有錄本未有志志自明萬歷丙申始草創缺略居多蓋創始者難爲工理固然也洎

國朝順治乙未仍翻刻舊本於

鼎興以來事蹟另闌入一冊一書而二之體裁又甚

太谷縣志

卷首 舊序

四

不倫參考互訂梓爲成書若有待焉恭逢

聖天子踐祚之七年命儒臣纂一統志用紀久道化成之

休爰昭海宇昇平之烈大中丞石藩憲蔣採訪名

公纂山西通志因下修府州縣志之檄邑侯王公

屬余共襄厥事余惟紀載有體志之體史之翼也

遷之記固之書尙論者以爲瞻而不詳而有體

而志可知矣志必結撰謹嚴爲一邑一刊之典與

夫語林說部山海齊諧之辨博談奇一同故無取

溢溢則徒飾輪轅難美觀聽亦無取一有窘則瑣聞

隅見未廓町畦於義均無當焉爰廣蒐博採得前輩杜鳳麓先生遺稿先是康熙甲寅奉憲頒體式纂修成帙未授梓而中止余見其斟酌盡善詳略得宜宛若班馬家法因按行校讎稍加刪定脫舊稿而增其所未備雖學問識力萬不逮前人而區區之心矢公矢慎不輕譽一人亦不濫入一事有可告無愧於天地鬼神者三越月而厥事竣焉凡爲卷八爲目三十而山川疆域風土人情與夫禮樂兵農忠孝節義莫不釐然備具於尺幅之中異吏治民生未必無少裨補云

賜同進士出身候選知縣邑人武一韓謹序

太谷縣志

卷首 舊序

五

乾隆四年修太谷縣志舊序

古無所謂志自伯翳撰山海經識靈祇異域及禽獸木石諸狀文綦古矣然多駭而不經禹貢一書釐山川形勝綜田賦物產而上下之詞約旨該其志之鼻祖乎周禮仿其意有職方氏班孟堅作漢書有地理志厥後國有通志郡邑有郡邑志皆得詳其圖籍藏之政府以爲總覽天下之大綱志非守土者之要書哉余自辛亥歲來宰是邦覩鳳山之嶙峋象水之激灑車服文物之清奇其士人重

太谷縣志

卷首 舊序

六

廉恥尚節義男務耕女務織勤儉致殷阜卽一絲一粒重而積之得未曾有輒喜動顏色曰美哉其有陶唐氏之遺風乎因索邑乘觀之適前此涖茲土者爲吾族兄又襄公於己酉歲奉檄重修縣志已編次成帙矣披閱數過所謂地理天星山川形勝戶口丁徭田畝賦役及風景人物疆圉關隘等項俱分門別類編輯周至成一完書余亦何敢復贅一辭第當時僅繕藁本而又襄公旋以才能調任西陲正所謂莫爲之後雖盛弗傳者且自己酉

迄今十有餘年未經編輯之事蹟例應增入者不少爰是參舊校新酌古準今如錄節孝雖窮簷編氓一善不遺考藝文合人心世道者方載至戶口繁庶人文蔚蒸科第蟬聯視昔有加總事求切實無借鉛華以無負前人仿古作志藏諸政府之遺意雖不敢謂詳略得宜斟酌盡善用以贊揚治化鼓勵風俗其庶幾乎亟命剞劂告竣余自揣難免續貂而又襄公重纂之盛舉乃相與有成矣志成而所以爲志者不在虛文而在核實余涼德雖日

太谷縣志

卷首 舊序

七

以地方民生爲念恐多未逮惟願後之蒞茲土者睹斯志而重念民物風俗愛養教誨俾士人毋喪廉恥毋忘節義男毋輟耕女毋廢織毋勤而忽惰毋儉而忽奢卽市廛之中商民錯雜毋遊戲狎玩則谷民始終有陶唐氏之風家殷戶阜而樂利無疆之休以世世享

聖天子昇平之福者舉不外是編而得之孰謂邑乘之無補於治哉是爲序

乾隆四年歲次己未六月穀旦文林郎知太谷縣

事潞陵王澤沛作霖氏撰

太谷縣志

卷首 舊序

八

乾隆三十年修太谷縣志舊序

泣茲土七年矣負性疎鈍攝官承乏常以不克蒞事爲憂治賦審刑聽獄訟檢簿書而外欲與三五賢達論列古今考證得失愧未遑也今歲首春邦之紳士耆舊進而請曰邑志之不修三十餘載明府其無意乎余瞿然謝不敏旣而思之國之有志也所以通古今之因革紀風俗之淳漓詳時地之異同誌人文之美盛其體例雖異於史而實供作史者之採擇若使傳聞失實虛美徒夸文不雅馴

太谷縣志

卷首舊序

九

語無倫脊誠不如其已也顧自前令王公沿舊志而增葺之厥後如職官選舉人物藝文諸條有當增入者文與詩之不入格所當汰棄者焉得以不文辭因爲悉心採訪與江甯涂君長卿皖桐姚君蒙泉潤色釐定鳩工鉉木經始於仲春之朔竣事於季夏之杪六閱月而告成其間斟酌損益刪繁補漏不敢謂毫髮無憾而事必徵信言不近俚亦庶幾其有當焉或者曰今

國家重熙累洽西陲遠裔盡入版圖聲教所被且及

荒服二萬里外將來戶口之殷庶田賦之廣充文章禮樂之覃敷有非前世所能幾及者區區邑乘何足以云余曰不然

治化之廣運如日之在天不可謂容光之隙非陽烏所照臨也又況古今來臣忠子孝夫義婦聽無地無之由邑而郡由郡而國由國而天下而貞元之氣會焉其散之則東南之秀麗西北之鬱蒼山川形勝民風物產紀載纖悉有缺長吏之過也昔李延壽南北史尚紀傳而畧表志論者猶不無遺憾陸

太谷縣志

卷首 舊序

十

天隨作甫里志云吾以紀一里之勝槩俾後來知有述也況茲邑自處父受封迄今二千數百餘年政典財賦所關於文獻者甚鉅敢任其廢墜於蠹蝕哉志成爰書其概於簡端

大清乾隆三十年歲在旃蒙作噩林鍾之月文林郎知太谷縣事卓異候陞加一級梁山高繼允澗南甫撰